

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD MOSTAR
JAVNA USTANOVA „DJEČJI VRTIĆI-CICIBAN“ MOSTAR
UPRAVNI ODBOR**

**PRAVILNIK O IZMJENAMA I DOPUNAMA PRAVILNIKA
O UPISU DJECE I OSTVARIVANJU PRAVA I
OBAVEZA KORISNIKA USLUGA U
JAVNOJ USTANOVI „DJEČJI VRTIĆI-CICIBAN“ MOSTAR**

April 2025. godine

Na osnovu člana 24. i člana 45. Zakona o predškolskom odgoju HNK-a („Službene novine HNK-a“, broj 5/2000) i člana 26. Pravila Javne ustanove „Dječiji vrtići-Ciciban“ Mostar (br: 91-26-04/21 od 9.04.2021.), Upravni odbor ustanove, na sjednici održanoj 28.04.2025. godine, donosi

**Pravilnik o izmjenama i dopunama
Pravilnika o upisu djece i ostvarivanju prava i obaveza korisnika usluga
u Javnoj ustanovi „Dječiji vrtići-Ciciban“ Mostar**

Član 1.

U članu 6. Pravilnika, stavu 1. brišu se riječi „a koji se preuzima u organizacionim jedinicama Ustanove“ i dodaju se sljedeće riječi: „a koji se preuzima u organizacionoj jedinici „Cernica“ sa sjedištem u ulici Rade Bitange bb.

Član 2.

U članu 8. Pravilnika dodaje se nova tačka 4. koja glasi: „podnese prijavu za produžetak boravka djece s poteškoćama u razvoju kao i djece s poteškoćama u razvoju kojima je omogućena odgoda polaska u školu, zašto odluku donosi Komisija za upis, u skladu sa potrebama djeteta za odgovarajućim programom i uslovima koje Ustanova može ponuditi.

U članu 8. Pravilnika dodaje se stav 3. koji glasi:

„Za dijete kojem je omogućena odgoda škole, roditelj/staratelj djeteta podnosi pisani zahtjev za daljnjim boravkom djeteta u predškolskoj ustanovi, uz koji prilaže potvrdu nadležnog gradskog odjela o odgodi škole.“

Član 3.

U članu 11. stav (1) iza riječi; „prednost pri upisu će imati“ brišu se dvije tačke (:) i dodaju se nove riječi: „djeca prema sljedećem pobrojanom redoslijedu kriterija:“.

Član 4.

U članu 11. dodaje se 3.stav koji glasi:

„Djeca koja nisu primljena u Javnu ustanovu „Dječiji vrtići- Ciciban“ Mostar vode se na listi čekanja, te se upisuju tokom pedagoške godine, ukoliko se oslobode mjesta u odgojno-obrazovnim grupama ili dođe do proširenja kapaciteta (otvaranje novih objekata, otvaranje novih odgojno-obrazovnih grupa).“

Član 5.

U članu 14. Briše se sljedeći tekst: „Komisija je dužna u roku od 7 dana po isteku roka za podnošenje zahtjeva za upis djece objaviti rezultate upisa na oglasnim pločama u svim objektima Ustanove sa sljedećim podacima:

- prihvaćeni zahtjevi za upis djece,
- odbijeni zahtjevi za upis djece,
- slobodni kapaciteti Ustanove nakon utvrđenih rezultata upisa.“ A dodaje sljedeći tekst:

„Komisija za upis je dužna u primjerenom roku, a najkasnije do 10. jula tekuće godine, objaviti rezultate upisa na oglasnim pločama svih objekata Ustanove.

Rezultati upisa sadrže imena i prezimena djece upisane u sve odgojno-obrazovne grupe Ustanove, imena i prezimena djece koja se nalaze na listi čekanja te broj slobodnih mjesta.“

Član 6.

U članu 19. Pravilnika, stavu 4. briše se tačka i dodaju riječi: „u trajanju od dva do četiri sata.“

Član 7.

U članu 25. Pravilnika dodaje se tačka m) koja glasi: „da dijete osposobi za potpunu kontrolu sfinktera (obavljanja nužde) prilikom polaska u vrtićku grupu.

Člana 8.

U članu 27. Pravilnika tačka 3. Se mijenja i ista sada glasi: „Ugovor o kraćem dnevnom boravku“.

Član 9.

U članu 30. Pravilnika dodaje se tačka 5. koja glasi: “Cijena usluge predškolskog odgoja na zahtjev roditelja umanjuje se za 30% u slučaju da dijete zbog zdravstvenih poteškoća ne može u potpunosti konzumirati hranu koja se priprema u vrtiću uz nalaz i mišljenje nadležne zdravstvene institucije“, i dodaje stav 2. koji glasi:

„Odluku o umanjenju cijene boravka iz tačke 5. donosi Upravni odbor Ustanove.“

Član 10.

Iza člana 32. Pravilnika dodaje se novi člana 32a., koji glasi:

„Ustanova će otkazati ugovor o pružanju usluga predškolskog odgoja korisniku usluga uz poštivanje otkaznog roka od petnaest (15) dana u slučajevima:

1. neispunjavanja obaveza prema Ustanovi utvrđenih ugovorom i ovim Pravilnikom,
2. davanju netačnih podataka u podnesenoj prijavi za upis djeteta,
3. neplaćanja naknade za boravak djeteta u vrtiću ni u roku ostavljenom u opomeni pred raskid ugovora, a koja se šalje za dug koji nastaje zaduženjem i drugog mjeseca boravka djeteta u vrtiću.

Raskid ugovora o pružanju usluga predškolskog odgoja radi neplaćanja naknade za boravak djeteta, ne može se izvršiti bez prethodno upućene opomene pred raskid ugovora sa naznačenim naknadnim rokom za izmirenje obaveza“.

Član 11.

U članu 33. Pravilnika stav 1. briše se „32.“ a dodaje „32a.“

Član 12.

U članu 36. Sastavni dio Pravilnika su:

Tačka 1. Prijava za upis djece (Obrazac br.1), tačka 2. Prijava za najavu korištenja produžetka boravka u vrtiću (Obrazac br.2.), tačka 6. Izjava o preuzimanju djeteta iz vrtića (Obrazac br. 6.) i tačka 7. Izjava o prihvatanju i davanju saglasnosti (Obrazac br.7) mijenjaju se i novi su u prilogu ovog Pravilnika.

Član 13.

Pravilnik o izmjenama i dopunama Pravilnika o upisu djece i ostvarivanju prava i obaveza korisnika usluga u Javnoj ustanovi „Dječiji vrtići- Ciciban“ Mostar (br: 26-1-0211/25, od 28.04.2025. godine), stupa na snagu nakon pribavljene saglasnosti od Odjela za društvene djelatnosti Grada Mostara, osnivača, i bit će objavljen na oglasnim pločama svih organizacionih jedinica Ustanove.

Broj: 26-1-0211/25

Mostar, 28.04.2025. godine

